

Na osnovu člana 6. Odluke o jednokratnoj novčanoj pomoći porodicama sa troje i više djece na području Općine Novi Grad Sarajevo ("Službene novine Kantona Sarajevo", broj 1/24 i broj 14/25) i Budžeta Općine Novi Grad Sarajevo za 2025. godinu ("Službene novine Kantona Sarajevo", broj 14/25), ekonomski kod 614200/GCA23 – Tekući transfer za pronatalitetne mjere (jednokratna pomoć porodicama sa troje i više djece), Služba za boračka pitanja, rad, socijalna pitanja i zdravstvo Općine Novi Grad Sarajevo objavljuje

**Javni poziv/Obavještenje
o dodjeli jednokratne novčane pomoći porodicama sa troje i
više djece na području Općine Novi Grad Sarajevo**

Obavještavaju se porodice sa troje i više djece na području Općine Novi Grad Sarajevo da mogu podnijeti zahtjev za ostvarivanje prava na jednokratnu novčanu pomoć Službi za boračka pitanja, rad, socijalna pitanja i zdravstvo Općine Novi Grad Sarajevo (u daljem tekstu: Služba) na propisanom obrascu, u roku od 60 dana od dana objavljivanja Javnog poziva/Obavještenja za dodjelu jednokratne novčane pomoći porodicama sa troje i više djece na području Općine Novi Grad Sarajevo (u daljem tekstu: Javni poziv/Obavještenje) na oglasnoj ploči i web stranici Općine.

Pravo na jednokratnu novčanu pomoć po ovom Javni pozivu/Obavještenju ostvaruju porodice pod uvjetom:

- da u zajedničkom domaćinstvu žive sa troje ili više djece (bračne, vanbračne, usvojene, pod starateljstvom ili djece iz prethodnog braka supružnika) do 18 godine života, a najkasnije do navršениh 27 godina ukoliko se nalaze na redovnom školovanju u Bosni i Hercegovini;
- da su državljani Bosne i Hercegovine sa prijavljenim prebivalištem na području Općine Novi Grad Sarajevo najmanje tri godine prije podnošenja zahtjeva;
- ako drugi roditelj koji nije podnosilac zahtjeva, ima prijavljeno prebivalište na području druge jedinice lokalne samouprave na području Bosne i Hercegovine, nije ostvario novčanu pomoć u mjestu prebivališta.

Potrebna dokumentacija:

- Izjava o zajedničkom domaćinstvu (kućna lista);
- Izvod iz matične knjige rođenih za djecu;
- Prijava mjesta prebivališta za sve članove domaćinstva (pribavlja Služba);
- Uvjerenje o kretanju za roditelje;
- Dokaz o redovnom školovanju za svu školsku djecu;
- Dokaz o starateljstvu, usvojenju, razvodu braka i sl. (samo u slučaju kada treba dokazati status djeteta);
- Potvrdu da drugi roditelj, koji nije podnosilac zahtjeva, nije ostvario pravo na novčanu pomoć u drugoj Općini (samo u slučaju da ima prijavljeno prebivalište na području druge Općine);
- Bankovna instrukcija za plaćanje na ime podnosioca zahtjeva (potvrda o broju tekućeg računa);
- Po potrebi i drugi dokazi.

Jednokratna novčana pomoć porodicama sa troje i više djece dodjeljuje se u sljedećim iznosima:

1. Za porodice sa troje djece u iznosu od 50,00 KM mjesečno, odnosno 600,00 KM godišnje;
2. Za porodice sa četvero djece u iznosu od 75,00 KM mjesečno, odnosno 900,00 KM godišnje;
3. Za porodice sa petero djece u iznosu od 100,00 KM mjesečno, odnosno 1.200,00 KM godišnje;
4. Za porodice sa šestoro djece u iznosu od 125,00 KM mjesečno, odnosno 1.500,00 KM godišnje;
5. Za porodice sa sedmero djece u iznosu od 150,00 KM mjesečno, odnosno 1.800,00 KM godišnje;
6. Za porodice sa osmero djece u iznosu od 175,00 KM mjesečno, odnosno 2.100,00 KM godišnje;
7. Za porodice sa devetero i više djece u iznosu od 200,00 KM mjesečno, odnosno 2.400,00 KM godišnje.

Iznos jednokratne novčane pomoći po ovom Javnom pozivu/Obavještenju isplaćivat će se u jednakim tranšama za 12 mjeseci tekuće godine, u skladu sa prilivom budžetskih sredstava.

Porodice koje u toku tekuće godine ispune uslove za ostvarivanje prava mogu podnijeti zahtjev i nakon isteka roka ovog Javnog poziva/Obavještenja a pravo im se priznaje od prvog dana u mjesecu u kojem je zahtjev predat do kraja kalendarske godine.

Zahtjev za dodjelu jednokratne novčane pomoći porodicama sa troje i više djece, može se preuzeti putem zvanične Web stranice općine: www.novigradsarajevo.ba – padajući meni Općina – elektronski formulari, i na INFO šalteru u prizemlju zgrade Općine.

Zahtjev sa pratećom dokumentacijom /orginal ili ovjerena kopija/, može se podnijeti putem protokola Općine Novi Grad Sarajevo, radnim danom od 7:30 do 17:00 sati.

Za sve dodatne informacije kontakt osoba: Esad Baždar, telefon broj: 033/291-255; e-mail: esad@novigradsarajevo.ba.